

# INSTITUCIJA HILAFETA

## Kur'anska odredba

*Allah je čvrsto obećao onima od vas koji vjeruju i čine dobra djela da će ih On sigurno odrediti halifama (nasljednicima) na Zemlji, kao što je odredio halifama one prije njih; i da će im On učvrstiti njihovu vjeru koju je On odabrao za njih; i da će im On nakon straha njihova u zamjenu dati sigurnost; oni će obožavati Mene, (i) neće nikoga Meni pridruživati. I onaj koji bude nezahvalan poslije toga, pa to su oni koji su neposlušni. (24:56)*

## **Predskazanje Časnog Poslanika**

Poslanstvo će ostati među vama sve dotle dokle Bog htjedne. On će izazvati njegov kraj i slijediti ga halifatom pa pravilu poslanstva sve dotle dokle On htjedne i onda će uzrokovati njegov kraj. Onda će slijediti kraljevanje da ostane sve dotle dokle Bog htjedne i onda će se završiti. Onda će biti tiranija koja će ostati sve dotle dokle Bog hoće i završit će se na Njegovu odredbu. Onda će nastupiti hilafet na pravilu poslanstva. (*Musnad-i-Ahmad*)

## **Učenja Obećanog Mesije**

Zato dragi prijatelji! Oduvijek je bio sunnet Svemogućeg Boga da pokaže dvije manifestacije Svoje moći. On time ruši dvije lažne radosti protivnika. Nemoguće je da On sada promijeni Svoj stari sunnet. Zato se ne žalostite nad onim sto vam ja govorim, niti budite skrhanog srca jer za vas je važno da vidite drugu manifestaciju njegove moći. I ova druga manifestacija će biti bolja za vas jer je trajna i ostat će neprekinuta do Sudnjeg dana. (Oporuka, str. 9)

'Božija je volja da sve duše pobožne prirode koje žive u raznim dijelovima svijeta – bez obzira da li pripdali Evropi ili Aziji budu dovedene zajedno pod bajrak Tevhida (Božijeg jedinstva). Njegova je namjera da sve njegove sluge budu okupljene u jednu vjeru i zbog ispunjenja ovog cilja i ja sam bio poslan ovom svijetu. Zato slijedite taj cilj, ali uvijek s blagošću i lijepim vladanjem i s molitvama. I do ovog vremena kad jedan među vama ustane s Ruhul Kudusom od Gospodara.' (Oporuka, str. 10)

'I ova druga manifestacija će biti bolja za vas jer je trajna i ostat će neprekinuta do sudnjeg dana, a nemože se dogoditi dok ja ne odem. No jednom kad ja odem Bog će za vas poslati drugu manifestaciju Svoje moći i to će ostati s vama zauvijek...Dan mog rastanka od vas mora doći tako da dan Božijeg trajnog

obećanja može stići...Ja sam došao od Boga kao Njegova manifestacija i ja sam oličenje njegove manifestacije. Poslije mene će biti druge osobe koje će biti oličenje za drugu manifestaciju.'(Oporuka, str. 9-10)

Halifa znači nasljednik, i vjerovjesnikov nasljednik u stvarnim terminima je onaj ko posjeduje vjerovjesnikove odlike na način odražavanja. Časni Poslanik s.a.v.s. nije želio da primjeni titulu halifa na svojevlave vladare zato što je halifa zapravo odraz vjerovjesnika. Pošto nije moguće za bilo kojeg čovjeka da živi zauvijek i Bog je želio da do Sudnjeg dana čuva živim odraz vjerovjesnika, koji su najplemenitiji i najviši među ljudskim bićima. On je zbog toga planirao hilafet tako da svijet nikada ne ostane lišen blagoslova vjerovjesništva.'

(Šehadtul Kur'an, str. 57-58)

### **Savjeti Halifatul Mesiha I**

'Ja sam ponavljajući rekao i pokazao to iz Časnog Kur'ana da je na Bogu radije nego na čovjeku da odredi halifu. Ko je Adema odredio halifom? Bog je rekao: 'Ja ću odrediti Halifu na Zemlji.' Meleki su prigovorili ali šta su oni požnjeli kao rezultat? Vi ćete naći iz Kur'ana da su se oni na kraju morali pokoriti Ademu. Zato, bilo ko ko prigovara mom halifatu, čak iako on možda izgleda kao melek, ja mu moram reći da se pokori halifatu Adema. Ako, iz ponosa i tvrdoglavosti, on izabire da postane Iblis, onda mora zapamtiti posljedice koje je Iblis snosio. Ja ponovo kažem da iako neko izgledao kao melek ali se usprotivio mom halifatu, njegova bogobožna priroda će ga neminovno uputiti pokornosti Ademu.' (Badr, 4. juli 1912.)

'Ja vas savjetujem i činim to ponovo i ponavljam svoj savjet nebrojeno puta posebno naglašavajući moju naredbu da napustite uzajamne ljutnje i ljubomore i da odbacite naviku da mene savjetujete. Vrijeme koje ste potrošili u savjetovanju mene bi bilo bolje potrošeno u molitvama u traganju za Božijom milošću. Vaš savjet neće imati djelotvorstva na mene. Vodite protokol. Šta god ja kažem za vašu je korist radije nego iz bilo kakvog ponosa u meni. Baš kao što trgovac otvara svoju radnju rano ujutro, tako ja nastojim da radim svoj posao i pazim svoje pacijente. Ja sam vrlo željan da zaradim svoja vlastita sredstva za život da vi ne biste zapali u bilo kakvo iskušenje. Za vas je opasnije da vam nedostaje jedinstvo od toga da budete uzdrmani snažnom eksplozijom ili zemljotresom.' (Badr, 21. oktobar 1919)

'Ja sam sada vaš halifa. Ako bilo ko kaže da Obećani Mesija nije mene odredio imenom u Oporuci, onda ću mu ja reći da tako Adem i Ebu Bekr nisu bili spomenuti imenom u ranijim predskazanjima. Tu je velika profinjena glavna misao u knjizi Obaćanog Mesije i ja ću vam to sada objasniti. On je prepustio Bogu izbor osobe koja će biti halifa, ali je pred četrdeset ljudi rekao da se

pridruže halifama Obećanog Mesije tako da će bilo koja stvar odlučena od četrdeset biti konačna i obavezujuća, i prihvatljiva također i vladi. Konačno je svih ovih četrdeset osoba obavilo zavjet bai'ata na ruci čovjeka kao halife i tako smo bili spojeni u jednu vezu. Tako se ne samo četrdeset osoba nego cijela Zajednica složila o mom halifatu. Sada, ko god ide protiv ove jedinstvene odluke zajednice kriv je za protivljenje Bogu. Bog kaže u Časnom Kur'anu: Bilo ko ko slijedi put drugačiji od puta vjernika, Mi ćemo ga pustiti da vrši volju svoje naklonosti i bacit ćemo ga u Džehennem; a to je zlo odredište.

Ja sam temeljito pročitao Oporuku. U njoj je zaista četrdeset imenovanih osoba nazvano halifama Obećanog Mesije i njihovoj većinskoj odluci je bio dat pečat konačnosti. Sada svjedočite da su se isti pobožni vjernici složili da odrede jednu osobu kao halifu i oni su savjetovali ostatak zajednice da ih slijede. Da li vi mislite da će Bog sada razbiti cijelu lađu? (zaista će im On pomoći da stignu svoje odredište – izdavač.). Poslušajte, zato, ako počinite prekršaj zavjeta postat ćete podložni kazni određenoj u ajetu: On im se osvetio licemjerkstvom u njihovim srcima. Ralog zašto sam vam ovo nadugo objasnio je da neki od vas i dalje pokazuju znakove neodlučnosti u svojoj vjeri.' (Badr, 21. oktobar 1909.).

Ja vam kažem sa posebnim isticanjem na svojoj naredbi da ja neću odbaciti odjeću koja mi je data od Boga. Ja se ni najmanje ne brinem ako vi postanete moji protivnici i ostatak svijeta vam se također pridruži. Tu je obećanje od Božijeg izabranika, i mi smo se osvjedočili u njegovo ispunjenje da On neće odbaciti ovu zajednicu kao bezvrijednu. Strani su putevi Svemogućeg i sve nadmoćan je Njegov nadzor. Vi ispunite svoj dio zavjeta i onda se osvjedočite napretku koji ste napravili i uspjehu koji ste postigli.' (Badr, 21. oktobra 1909.).

'Kad ja umrem, neko koga Bog htjedne zauzet će moje mjesto... Vi ste ušli u zavjet na mojoj ruci. Nemojte zato stavljati pod pitanje moj hilafet. Bog je mene odredio za halifu, i ja se sada ne mogu povući na vaše nagovaranje, niti iko ima moć da me ukloni iz ove službe. Ako vi uporno ostajete pri svom protivljenju onda morate imati na umu da ja imam takve Halid bin Walide na raspolaganju koji će vas kazniti. (Badr, 4. juli 1912.).

'Bilo ko ko kaže da sam ja odredio nekoga kao halifu poslije mene griješi. Ja nemam znanja o tome ko će biti halifa poslije mene ili šta će se dogoditi u budućnosti: da li će on biti bolja osoba nego ja, ja ne znam. Ja nisam odredio nikoga da bude halifa poslije mene, niti to sada činim, niti je to moja dužnost. Samo Bog određuje halife i jedini On će odrediti nekoga poslije mene za ovu službu. (Al Hakim, 28. februar 1914.).

'Reći da halifat nije pružio zakonite nasljednike je postupak prodavača bogohuljenja. Zato treba da se pokajete zbog ovog mišljenja. Bog izabire za službu osobu koju On smatra najzaslužnijom. Bilo ko ko se suprotstavlja ovome

je lažov i prijestupnik. Budite kao meleki i pokorite se u poslušnosti i izbjegavajte puteve Iblisa.' (Badr, 4. juli 1912, str.7).

'Ako želite da obavite zavjet 'bai'ata na mojim rukama, onda zapamtite da bai'at znači da sebe prodate drugom. Jedanput mi je Obećani Mesija nagovijesti da trebam zaboraviti o mom rodnom mjestu. Odonda sam ja stavio svoj um i čast njemu na raspolaganje i nikada nisam ponovo mislio o mom mjestu. Zbog toga je bai'at težak zavjet zbog kojeg čovjek treba da napusti svu svoju slobodu i želje.' (Badr, 2. juna 1908.).

Neko je pisao halifatul Mesihu I pitajući da li je obavezujuće ući u zavjet bai'ata s njim. On je odgovorio da koji god je stepen obaveze vrijedio za prvi (glavni) bai'at također je vrijedio za dopunski bai'at. Drugovi Časnog Poslanika su dali prednost obavljanju bai'ata na rukama halife prije sahranjivanja Časnog Poslanika s.a.v.s.' (Badr, 3. mart 1910.)

### **Proglašavanje Musleh-i-Mauda Halifatul Mesih II**

'Poslanik ima dva života, lični i zajednički (javni), i Bog započinje oba ova života činom objave. Njegov lični život počinje u doba između 30. i 40. godine kad mu bude objavljeno da je bio odabran od Boga... Njegov javni život također započinje činom objave u tolikoj mjeri da kad on umre neočekivana revolucija od Boga vodi njegove sljedbenike novom poretku... iz ovog razloga je Obećani Mesija ovaj stadij nazvao 'drugom manifestacijom'.

(Halifat-i-Rašida, str. 61-62).

'Božijom milošću, vremena napretka naše zajednice se približavaju. Nisu daleko dani kad će se skupine za skupinama ljudi pridruživati zajednici. Iz raznih zemalja će doći brojni vjernici i svanut će doba kad će cijeli gradovi i sela primiti Ahmadijat. Ja sam čovjek i onaj u čije vrijeme će se pojaviti ove slave i koji će mene slijediti također će biti čovjek. On sam neće biti u stanju da podučava Ahmadijatu sve ove nove pristalice. Vi ćete se morati udružiti u procesu njihovog obrazovanja. Zbog toga treba da nastojite da sada naučite da možete svoje učenje saopćiti drugima. Bog je odredio da vi trebate biti profesori fakulteta vjere, i zbog toga je apsolutno neophodno za vas da postanete dobro upućeni u tome tako da budete u stanju da učite druge.' (Anwar-i-Hilafet).

'Braćo, moj zadnji savjet vama je da su svi blagoslovi zajamčeni hilafetom. Poslanstvo je sjeme poslije kojeg hilafet širi svoje darežljivosti svijetom. Zbog toga se čvrsto držite halifata i polijte svijet njegovim blagoslovima... I nastavite podsjećati moje potomke o zavjetima njihovih porodica u ime ovoga.'

(Alfazal, 20. maj 1959.)

'Zapamtite da vaš napredak ovisi o halifatu i dan kad zaboravite i napustite ovaj stub bit će dan vaše propasti. U drugu ruku ako budete cijenili značaj halifata i potpomagali ovu instituciju onda, čak iako se cijeli svijet možda digne protiv vas, vi nećete nestati... Nekoliko pojedinaca možda izgube svoje živote, možda se pojave prepreke, možda se sukobite sa teškoćama, ali zajednica kao cjelina nikada neće umrijeti. Svaki dan ona će vidjeti nove horizonte napretka. Smrt jednog pojedinca će biti kao smrt legendarnog diva čija smrt je dala rođenje hiljadama više nalik njemu.' (Darsul Kur'an, str. 73)

'Vjera znači poslušati poziv Božijeg predstavnika... čovjek može ponoviti hiljade puta da vjeruje u Obećanog Mesiju i u poruku Ahmadijata, ali ovo izgovaranje će biti od male vrijednosti u Božijem proračunu ukoliko se on ne uhvati ruku pod ruku sa osobom kroz koju je Bog odredio širenje poruke islama u ovo doba. Sve dok svaki član zajednice ne posveti svaki trenutak svog života u potpunoj pokornosti ovoj osobi on ne može očekivati bilo kakve posebne naklonosti od Boga.' (Alfazl, 15. novembar 1946.).

'Ja priznajem činjnicu da je ljubav koju zajednica ima prema svom imamu jedinstvena; unatoč tome ja kažem da je ovo više osobne prirode nego da je od praktične vrijednosti. Mali je broj onih čija ljubav ih tjera da se ne smire dok ne slijede svaku riječ halifa.' (izvještaj Maḍlis mushawarat, 1936.).

'Vi možete obaviti svoj posao konsultovanjem i traženjem upute od onoga kojem Bog otkriva Svoju volju, pomaže mu objavom i učinio ga je halifom i imamom ove zajednice. Što se više vežete uz njega bit ćete više blagoslovljeni u svojim postupcima: što se više držite dalje od njega, više će nevaljala biti vaša djela. Baš kao što je samo grana koja donosi plod ostala vezana za stablo, isto tako samo ona osoba koja ostaje vezana uz imama može raditi ma koji uspješan posao za zajednicu. Osoba koja se ne drži vezana uz imama ne može čak postići ni toliko koliko dijete bez obzira koliko možda učen bio.

Zapamtite, samo Bog određuje halifu i neispravna je osoba koja tvrdi da ljudska bića prave ovo postavljenje. Halifatul Mesih I je ovo pitanje neprestalno naglašavao u toku šest godina svog halifata. Proučavanje Časnog Kur'ana također pokazuje da nigdje u njemu određivanje halife nije pripisano ljudskim bićima.' (Kaun Hai Jo Khuda Ka Kaam Rok Sake).

'Halifat je važna institucija islama i vjera islam ne može napredovati bez toga. Islam je svaki napredak postigao samo kroz halife i isto će vrijediti za budućnost. (Darsul Kur'an, str. 72, objavljeno novembra 1921.).

'Halifa je višeg statusa nego mudžadid (Reformator). Njegova isključiva zadaća je da uspostavi zakone Šerijata i da utemelji vjeru; zbog toga nije moguće da se

Reformator pojavi istovremeno. Reformator se pojavljuje samo u vrijeme kad vjera bude u raskolu.' (Alfazl, 8. april 1947.).

'O vjernici, i oni koji postupate ispravno, ja vas savjetujem da je halifat veliki Božiji blagoslov i treba da imate dužno poštovanje prema tome. Sve dotle dok većina među vama čuva vjeru i postupa ispravno Bog će vas čuvati blagoslovljenim sa Svojom blagonaklonošću. Ali ako većina među vama prestane imati vjeru i ispravnost onda Bog možda nastavi ili ne nastavi ovu blagonaklonost prema vama. Zato, nema nikakvog pitanja o tome da postoji loš halifa. Halifat će biti oduzet od vas onog momenta kad postanete potkupljeni. Zbog toga nemojte biti nezahvalni niti prezirno gledati na Božiju objavu. Baš kao što je Obećani Mesija naredio, zauzmite se u molitvama tako da vas Bog čuva blagoslovljenim sa dobom druge manifestacije... Nastavite da molite tako da slava druge manifestacije možda ostane s vama i vjera bude utemeljena na čvrstim temeljima i da đavo izgubi nadu da se petlja u to.' (Predavanje nazvano Halifat-i-Rašida, str. 1)

### **Izlaganje od Halifatul Mesiha III**

'Islam tvrdi da je svrha čovjekovog stvaranja bila da postavi Božijeg predstavnika sposobnog da manifestuje Njegove atribute. U Časnom Kur'anu čitamo: 'Ja ću odrediti halifu na Zemlji.' To jest, prije stvaranja čovjeka, Bog je obavijestio Svoje meleke da će stvoriti biće koje će biti Njegov predstavnik i manifestacija Njegovih atributa. Na drugom mjestu Kur'an kaže: On je taj koji vas je učinio halifama na Zemlji i ko god ne vjeruje snosit će posljedice svog nevjerovanja.

Samo je Bog taj Koji je odredio čovjeka kao Svog zastupnika tako da upotrebljavajući svoje prikladne sposobnosti on može postati manifestacija Božijih atributa. Ovo je velika odgovornost i bilo ko ko ne oda dužno poštovanje tome prirodno će snositi posljedice svog nemara. Preneseno je da je Časni Poslanik s.a.v.s. rekao: Poprimite Božije atribute. Istinska svrha čovjekovog stvaranja je da postigne stvarnu svrhu cijelog stvaranja tako da se potpuna manifestacija Božijih atributa pojavi na oba kraja vage. Jedan aspekt Božijih atributa se vidi kroz fizičku formu svemira i prirodnih zakona koji njime upravljaju. Drugi aspekt se pojavljuje kroz čovjeka i njegovu sposobnost da koristi svemir kao Božiji zastupnik.

Prema islamu, Bog je Stvaralac i istinski Gospodar svega, ali On je ovo stvaranje povjerio čovjeku kao Svom zastupniku. Zato postoje dvije vrste vlasništva: glavno i sporedno. Glavno vlasništvo, naravno, pripada Bogu, ali čovjeku je dato pravo vlasništva na način pripomoći. Baš kao što postoje dvije vrste vlasništva, tako su također dvije metode određivanja zastupnika. Jedna vrsta zastupnika je određena Lično od Boga i on je nazvan Božiji poslanik, a druga vrsta obuhvata upravljачe izabrane od samih ljudi. Između ove dvije vrste

islam je uveo treću vrstu zastupnika koja nosi spojene odlike ovih dvaju vrsta i označena je islamskim terminom 'halifa'. S jedne strane halifa je zastupnik određen od Boga - istinskog Gospodara, a s druge strane on je upravljač prihvaćen od ljudi sporednih gospodara. Zbog toga je islamsko shvatanje halifata da iako je Bog taj koji određuje halifu, ipak On ovo postavljenje provodi kroz tijelo ljudi koje se sastoji od vjernika koji su ustrajni u svojoj vjeri i bogobožni u svom vladanju, čiji su umovi i rasuđivanje upravljani Božijom upravljačkom rukom prema postavljenju Njegovog izbora.

Očito je zato da iza izbora halife kroz Božiju volju i postupak vjernika, slijedi da pravo da ga ukloni pripada jedino Bogu. Ako Bog osjeća neophodnost promjene halife On uzrokuje da on umre i određuje drugog po Svom izboru kroz postupak vjernika. Halife zato ne mogu biti uklonjeni od ljudi samih i ko god misli drugačije nosi sjeme licemjerstva i drskosti; iz tog razloga se halifatul Mesih I obratio nekim neodlučnim ljudima kako slijedi:

Bog je mene odredio za halifu i ja sada ne mogu napustiti ovu službu na vaš nalog niti je bilo ko od vas ovlašten da me ukloni... ako sam ja halifa to je zato što me je Bog takvim odredio prema Svojim najboljim planovima. Nikakva moć ne može ukloniti halifu određenog od Boga i zato niko od vas nije opunomoćen da to učini... ostavite ovu stvar Bogu, jer vama nije data moć uklanjanja. Ja vas ponovo podsjećam da je jasno napisano u Časnom Kur'anu da jedino Bog određuje halife. Ja proglašavam pod zakletvom da sam ja također bio određen za ovu službu od Boga lično baš kao što je on odredio Ebu Bekra i Omera za halife. Nema udruženja koje je odgovorno za moje postavljenje, niti sam ja zabrinut za to ili da li me to sada napušta. Niko nema moć da me razodjene odijela halifata.' (Badr, 4. i 11. juli 1912.).

'Očito je iz naprijed rečenog da pošto je uklanjanje istinskog halife potpuno i direktno isključivo Božije pravo i premda su određivanju novog halife vjericima dato da sudjeluju u tome da daju definitavan oblik Božije volje, nije islamski, i nepobožno je i veoma drsko govoriti o novom halifi ili se upuštati u spletkarenje i intrige za ili protiv popularnog ili nepopularnog karaktera postojećeg halife u toku njegovog života. Istinski vjernici se drže podalje od ove vrste licemjernog i omraženog govora. Zaista čak ni najmanja misao ove prirode ne prolazi kroz njihovu glavu i oni prekoravaju svakoga koga vide da se upušta u ovu vrstu bogohuljenja.

Ja ne mogu a da ne spomenem da je naš vođa, hazreti Halifatul Mesih II bio izuzetno drag otac, čije su blagonaklonosti prema njegovoj djeci bile nebrojene. Jedna od njegovih najvećih blagonaklonosti bile su molitve koje je učinio za svoju djecu i najdražesnija među njima je bila ona koju ću ja niže navesti:

'Licemjeri govore da ja kujem planove da između svoje djece odredim narednog halifu, dok je to jedino Božije da to čini. Ako bilo koji od moje djece bude gajio ovu vrstu mišljenja on neće izbjeći Božiju srdžbu. Ja zato dodajem da i vi također molite Boga da niko od moje djece nikada ne gaji ni trunke ove vrste

mišljenja i da njihova srca ostanu potpuno slobodna od toga, jer ko god nastoji da stupa na Božije područje sigurno će snositi posljedice.'

(Alfazal. 1. novembar 1956.).

'Ja pozivam Boga za svjedoka da su ova molitva Halifatul Mesiha II i zajednica bili prihvaćeni, i da nam je Bog iz Svoje milosti sigurno pomogao da drži dalje od nas ovu vrstu licemjernog i omraženog mišljenja, i ja molim Svemogućeg Boga da nas čuva da idemo putem Njegovog zadovoljstva i da čuva zatvorenim otvore naših srca i umova prema zlom šejtanu i njegovim štićenicima...'  
(Ansarullah, april 1964. napisano prije ovog halifata)

'Bog pokazuje snagu Svoje moći odabiranjem osobe u godinama i krhke. Rečeno je o Hallifatul Mesihu I da je bio star čovjek bez inteligencije, ali je Bog pokazao da je on uprkos svojih godina bio pod Božijom brigom i pod Njegovim nadzorom i, zbog toga, njegovi protivnici nisu mogli uspjeti protiv njega. Ponekad Bog odabire mladu osobu i ljudi misle da zbog njegove nezrelosti i nedostatka mudrosti zajednica možda bude osuđena. Međutim, Bog pokazuje da iako Njegov izbor padne na dijete, On nije dijete i da je potpuno bio u stanju da pokaže Svoju drugu manifestaciju kroz osobu slabih godina. Na kraju je isto to dijete u stanju da osujeti svoje protivnike. U drugo doba Bog odabire osobu srednjeg doba kojeg svijet smatra nesposobnim da vodi zajednicu, i taj zadatak zaista može biti izvan njegove sposobnosti. Ali sigurno ništa nije izvan Božije sposobnosti. On pravi izbor ove vrste osobe i do kraja usavrši njegovu dušu kroz moćnu manifestaciju svoje slave tako da osoba tako izabrana ponekad osjeća nagon da kaže svijetu, u ekstazi Božije ljubavi i pažnje, da on vi še ne treba svjetovnu pomoć. Bog onda njega koristi za svrhe i do mjere koju On želi, i poklanja mu pomoć i potporu da dokaže svijetu da je On zaista posjednik svih moći i slava.' (hudba petkom, Alfazal, 17. marta 1967.).

'Naše je vjerovanje da jedino Bog određuje halife. Da je ova funkcija bila ostavljena ljudima, čak i onda bi oni izabrali nekoga višeg među njima. Ali pošto Bog pravi izbor, On ne pravi greške. On možda izabere prividno slabu osobu na koju ljudi općenito gledaju prezrivo. Nakon odabiranja njega, Bog kroz njega pokazuje Svoju veliku i moćnu slavu koja otapa predhodno 'ja' (prirodu, ličnost) određene osobe i baca ga u novi kalup (karakter). On nestaje sa ovog svijeta unutar slave Božije zbog čega ga Bog uzima pod Svoju zaštitu i upozorava njegove protivnike da se bore s Njim ako imaju moć za to. On im govori da iako je Njegov izbor bio slaba osoba kojoj nedostaje znanje i jakost i kojoj, po njihovom mišljenju, nedostaje samilosti i bogobožnosti, da ga je ipak Bog uzeo u Svoju brigu, i oni će se morati njemu pokoriti. Ovo se događa zato što Bog želi da pokaže svijetu da je kroz halifat ispunjena Njegova volja na što je ljudsko procjenjivanje potpuno smeteno.' (Alfazal, 17. mart 1967.) (Muslim herald)